

# ARTE

In memóiriam de Manuel Gulín Rodríguez

O Centro cultural José Domínguez Guizán, co patrocinio do Concello de Begonte, convoca o

## XXXV CERTAME GALEGO DE ARTE “JOSÉ DOMÍNGUEZ GUIZÁN”

de acordo coas seguintes BASES:

1. O premio JOSÉ DOMÍNGUEZ GUIZÁN de Arte está dotado con 2.000 € (\*) e trofeo.
2. Adxudicarase á obra pictórica (considerada no senso máis amplo) que resulte seleccionada polo xurado cualificador, que estará formado por especialistas na materia, xunto con representantes do Centro convocante.
3. Poderán optar e este premio obras de pintores/as galegos/as (nados/as en Galicia ou residentes habituais) cun tamaño máximo de 1,5 m por 1 m, con ou sen marco.
4. Cada autor/a poderá presentar un máximo de dúas obras, acompañadas dos datos identificativos de obra e autor/a.
5. As obras, debidamente protexidas para evitar calquera deterioro, serán remitidas (libres de gastos) ao Centro Cultural de Begonte na dirección postal: Barrio de Quitimil 2, 27373 Begonte (Lugo).
6. O prazo de presentación rematará ás 12:00 h do día 25 de decembro de 2024.
7. O xurado seleccionará de entre as obras presentadas a gañadora do certame, que quedará en propiedade da entidade convocante. Así mesmo, o xurado poderá conceder as mencións de honra, dotadas con cadanseu diploma, que estime convenientes.
8. As obras non premiadas serán devoltas libres de gastos ao enderezo que indiquen.
9. A entrega dos premios efectuarase no acto de clausura do Belén Electrónico de Begonte.
10. As obras presentadas, ou unha selección, serán expostas na sala da Delegación Territorial da Xunta de Galicia en Lugo e na Casa da Cultura en Begonte.

(\*) A estes importes aplicaráselles a correspondente retención do IRPF.

# POESÍA

O Centro Cultural José Domínguez Guizán, entidade promotora do Belén Electrónico, co fin de potenciar o espírito do Nadal e que se coñeza mellor a vitalidade de O NADAL EN BEGONTE, convoca o

## XLIX CERTAME NACIONAL DE POESÍA SOBRE O NADAL

que se vai rexer polas seguintes bases:

1. Poden participar todos/as os/as poetas que o desexen, con textos en galego ou en castelán.
2. O tema dos traballos ha ser o do Nadal, desde calquera punto de vista.
3. Valoraranse os textos que fagan referencia a Begonte e ao seu Belén.
4. É libre a construción dos poemas e a medida dos versos.
5. Concederanse os seguintes premios:
  - PREMIO BEGONTE DE POESÍA, dotado con 1.000 € (\*) e trofeo.
  - SEGUNDO PREMIO, dotado con 500 € (\*) e diploma.
6. A remisión de orixinais farase ao correo electrónico info@belendebegonte.es en dous arquivos: un co traballo poético a concurso e outro identificado como Plica, co título do traballo, no que figurarán os datos persoais do/a autor/a, que só será aberto no caso de resultar premiado/a con algún dos premios instituídos ou coas mencións que, no seu caso, acorde conceder o xurado.
7. Quen desexe entregar persoalmente o seu traballo, ou remitilo por correo certificado ao Centro Cultural convocante, pode facelo antes das 12:00 h do 6 de xaneiro de 2025 na seguinte dirección postal: Barrio de Quitimil 2, 27373 Begonte (Lugo).
8. A entrega dos premios efectuarase no acto de clausura do Belén Electrónico de Begonte.

# XORNALISMO

O Centro Cultural José Domínguez Guizán, entidade promotora do Belén Electrónico, co patrocinio da XUNTA DE GALICIA, e co fin de potenciar o espírito do Nadal, e que se coñeza mellor a vitalidade de O NADAL EN BEGONTE, convoca o

## XLIX CERTAME XORNALÍSTICO “BEGONTE E O NADAL”

que se vai rexer polas seguintes bases:

1. Pode tomar parte neste certame quen publique, en calquera xornal, revista ou en Internet, en lingua galega ou castelá, algún traballo ou serie de traballos nos que se faga referencia ao Nadal en Begonte e en xeral ao Nadal en Galicia.
2. Concederanse os seguintes premios:
  - PREMIO BEGONTE DE XORNALISMO, dotado con 1.000 € (\*) e trofeo.
  - SEGUNDO PREMIO, dotado con 500 € (\*) e diploma.
3. A remisión de orixinais que se presenten ao certame hase facer ao correo electrónico info@belendebegonte.es, antes das 12:00 h do día 6 de xaneiro de 2025, indicando os datos do/a autor/a.
4. Quen desexe entregar persoalmente o seu traballo, ou remitilo por correo certificado ao Centro Cultural convocante, pode facelo no prazo que se indica na seguinte dirección postal: Barrio de Quitimil 2, 27373 Begonte (Lugo).
5. A entrega dos premios efectuarase no acto de clausura do Belén Electrónico de Begonte.

# DEBUXO INFANTIL

O Centro Cultural José Domínguez Guizán de Begonte, entidade promotora do Belén Electrónico, co patrocinio da CAIXA RURAL GALEGA, co fin de potenciar o espírito do Nadal entre os nenos, convoca o

## XLIX CERTAME DE DEBUXO INFANTIL SOBRE “O NADAL”

de acordo coas seguintes bases:

1. Poden concorrer todos os nenos e nenas, ben a través dos seus centros educativos, ben de xeito individual.
2. Establécense tres categorías:
  - A. Ata 3º curso de Educación Primaria.
  - B. De 4º a 6º curso de Educación Primaria.
  - C. De 1º a 4º curso de ESO.
3. Para cada unha destas categorías, concederanse os seguintes premios:
  - 2 primeiros premios, dotados con 60 € e diploma.
  - 3 segundos premios, dotados con 30 € e diploma.
4. Os temas serán libres dentro do tema xenérico “O Nadal”. O tamaño dos orixinais será como mínimo de medio folio e como máximo de un folio.
5. A presentación dos traballos poderase facer dixitalmente, escaneando o centro educativo os traballos do seu alumnado, debidamente identificados co nome, idade e curso do/a autor/a e remitidos ao correo electrónico info@belendebegonte.es, antes das 12:00 h do día 20 de decembro de 2024.
6. Quen o desexe poderá presentar directamente os traballos a concurso no Centro Cultural convocante ou remitilos por correo certificado dentro do prazo que se indica na seguinte dirección postal: Barrio de Quitimil 2, 27373 Begonte (Lugo).
7. A entrega dos premios efectuarase no acto de clausura do Belén Electrónico de Begonte.

# AUDIOVISUAL

O Centro Cultural José Domínguez Guizán, entidade promotora do Belén electrónico de Begonte, co fin de potenciar o espírito do Nadal e dar a coñecer mellor o dinamismo do Nadal en Begonte, convoca o

## I CERTAME AUDIOVISUAL SOBRE O NADAL

que se vai rexer polas seguintes bases:

1. Poden concorrer todas as persoas ou entidades interesadas en participar, con independencia da súa idade e do número de integrantes.
2. A temática xenérica dos traballos ha ser o Nadal, desde calquera punto de vista, mais valoraranse aquelas propostas que fagan referencia a Begonte e ao seu Belén.
3. A duración máxima do vídeo será de tres minutos e os formatos permitidos son MP4, AVI ou MOV.
4. Establécense dúas categorías:
  - A. INFANTIL: Participantes de ata 14 anos.
  - B. XERAL: Participantes de 15 anos ou máis, ou grupos mixtos (infantil-adulto).
5. Para cada unha destas categorías, concederanse os seguintes premios:
  - 1 PRIMEIRO PREMIO, dotado con 250 € e diploma.
  - 1 SEGUNDO PREMIO, dotado con 100 € e diploma.
6. A presentación dos traballos farase dixitalmente, enviando a info@belendebegonte.es o arquivo de vídeo debidamente identificado co título e datos da persoa/entidade responsable, así coma o nome e a idade dos participantes, antes das 12:00 h do día 6 de xaneiro de 2025.
7. Os vídeos gañadores serán os dous máis votados de cada categoría no Facebook do Belén de Begonte no momento en que remate o prazo de entrega.
8. A entrega dos premios efectuarase no acto de clausura do Belén Electrónico de Begonte.

# Calendario de O NADAL EN BEGONTE

30.11.2024

18:00 h Salón de actos do Centro Cultural-Belén  
Pregón de O Nadal en Begonte a cargo de Román Rodríguez, Conselleiro de Educación, Ciencia, Universidades e FP.  
Actuación musical de solistas das “Escolas mancomunadas de Rábade, Outeiro de Rei, Begonte e Friol”.  
Inauguración da LIII edición do Belén electrónico de Begonte e apertura do Museo do Belén.

01.12.2024

13:00 h Igrexa Parroquial de Begonte  
Misa polos amigos do Belén de Begonte falecidos.

20.12.2024

Fin de prazo de presentación dos traballos para o **XLIX Certame de Debuxo Infantil**.

21-22 .12.2024

Pza. Irmáns Souto Montenegro e arredores  
Mercado de Nadal. Organiza: Concello de Begonte

25.12.2024

Fin do prazo de presentación de obras para o **XXXV Certame Galego de Arte**.

27.12.2024

Sala de exposicións da Delegación territorial da Xunta de Galicia  
Inauguración da exposición das obras presentadas ao **XXXV Certame Galego de Arte**.

06.01.2025

12:00 h Fin de prazo de entrega de traballos para os certames **XLIX Certame Nacional de Poesía sobre o Nadal, XLIX Certame Xornalístico “Begonte e o Nadal” e I Certame Audiovisual sobre o Nadal**.

14.01.2025

Casa da Cultura de Begonte  
Inauguración da exposición das obras presentadas ao **XXXV Certame Galego de Arte**.

01.02.2025

17:00 h Salón de actos do Centro Cultural-Belén  
Entrega de premios dos certames culturais e de títulos de Socios de Honra.  
Clausura de actividades e actuación musical de solistas das “Escolas mancomunadas.



## Mercado de Nadal en Begonte

21-22 decembro 2024

O Concello de Begonte organiza o seu tradicional Mercado de Nadal na Praza Irmáns Souto Montenegro, onde poderás pasar dúas máxicas xornadas de Nadal en familia e mercar unha gran variedade de artigos de artesáns e de produtores locais. Apoia ao Belén de Begonte visitando o seu posto e leva o teu recordo especial para este Nadal. Agardámoste!

## Anacos do Belén

O escultor César Lorenzana vén de completar a serie de “Anacos do Belén”, tallas en madeira para cada unha das dezanove parroquias do Concello. Begonte conta xa con outros tantos fitos nos Camiños que conducen á capital do concello, á Casa do Nadal, onde os viaxeiros atoparán o noso Belén, declarado de Interese turístico pola Xunta de Galicia, e un dos símbolos sobranceiros do Nadal en Galicia.



## Mural do Belén

Mural do artista Diego As, un dos mellores muralistas do mundo, sobre o noso Belén. De neno, a Diego o seu avó levábao visitar o Belén de Begonte. Quedan os dous reflectidos neste gran mural situado á beira da N-VI, ao seu paso por “Begonte do Belén”.

### Promove:



Centro Cultural  
JOSÉ DOMÍNGUEZ GUIZÁN

### Patrocinan



//ABANCA



XUNTA  
DE GALICIA

### Colaboran:



EGERIA

## Horario

- Do 1 ao 19 de decembro 2024: Sábados, domingos e festivos, de 11:00 a 13:00 e de 16:00 a 19:00 h.
- Do 20 de decembro 2024 ao 6 de xaneiro 2025: Todos os días, de 11:00 a 13:00 e 16:00 a 19:00 h.
- De 7 a 26 de xaneiro 2025: Sábados, domingos e festivos, de 16:00 a 19:00 h.

Para visitas colectivas: concertar cita previa no teléfono 610 907 306.



Máis información sobre o Belén e as súas actividades pode obterse na web <https://www.belendebegonte.es>

Por unha cota anual de 20 €, os visitantes poden facerse AMIGOS DO BELÉN, cubrindo os seus datos no formulario de inscrición que terán á entrada.

# O NADAL EN BEGONTE

## LIII EDICIÓN 2024-2025

### BELÉN ELECTRÓNICO DE BEGONTE

Declarado de Interese  
Turístico Galego pola

